



Sermon
Kxf. Dr. Numlaajtsheb Yaaj

“Kho Kev Tos Tus Tswv”

Second Sunday in Advent
Our Savior Lutheran Church
12-8-19

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Mathais 3:3 “A voice of one calling in the wilderness, ‘Prepare the way for the Lord, make straight paths for him – *Muaj ibtug hais nrov nrov tom roob mojsab qhua haistias, ‘Cia li kho kev tos tus Tswv; kho kev kom ncaj, nws yuav los!’*” Nov yog Vajtswv Txojlus. (Cross-reference – Isaiah 40:3, Luke 1:17; 1:76; 3:4, Mark1:3, John 1:23)

Illustration “Prepare” (Show General Vang Pao)



Naisphoo Vaj Pov yog peb Hmoob ib tug thawj coj ntawm cov tubrog Nplog thiab Hmoob thiab yog ib thawjcoj ntawm peb cov pejxeem Hmoob. Naisphoo Vaj Pov tau coj peb cov Hmoob coob tus los mus ua tubrog nrog cov tubrog Amesliskas tivthaiv tebhaws Nplog tuajxub cov communist nyablaw rau lub sijhawm Vietnam war. Yog li ntawd Naisphoo Vaj Pov thiaj tau ib lub meejmom siab uas tibneeg hwm, qhuas, thiab nco tej txiajntsim uas nws tau ua pab haivneeg Hmoob. Yog Naisphoo Vaj Pov tuaj mus xyuas ib pab tibneeg twg losyog lub zos twg, cov tibneeg ntawd yuav haistias, “Npaj tos yawg hlob,

nws yuav tuaj saib peb - Prepare the way for our leader, he’s coming to see us.” Sawvdaws yuavtsum npaj kom txhij. Thaum Naisphoo Vaj Pov tuaj txog lawm, cov tibneeg ntawd muab nws mus nyob qhov chaw siab thiab npaj tej zaubmov qab los rau nws noj.

I. Nyob rau peb Txojmoozoo hhubno hais txog tib tus tibneeg uas tseemceeb uas peb yuavtsum tau npaj tos vim nws yuav rov los xyua peb. (Show John the Baptist, prepare the way for the Lord)



Yauhas thiaj li sau haistias, “A voice of one calling in the wilderness, ‘Prepare the way for the Lord, make straight paths for him. - *“Muaj ibtug hais nrov nrov tom roob mojsab qhua haistias, ‘Cia li kho kev tos tus Tswv; kho kev kom ncaj, nws yuav los.”*” (Mathais 3:3) Thaum Yauhas tus uas muab tibneeg ua kevcai ntxuav qhia txog peb tus Tswv Cawmseej Yexus Khetos yuav los yog hais kom tibneeg yuavtsum lees lawv tej kev txhaum, npaj kom txhij, thiab kho lawv lub neej kom zoo, vim tus Cawmseej yuav los. Qhov no txhais tau haistias, tibneeg yuavtsum npaj lawv lub neej thiab cia Yexus los nyob rau hauv lawv lub siab lawv thiaj li yuav npaj kho kev tos tau thaum Yexus rov los.

Lub week no yog “Advent 2 – *Lub caij Yexus los lub limtaim ob*” qhia rau peb kom peb yuavtsum nco txog peb tus Tswv Cawmseej Yexus Khetos los rau lub ntiajteb no los ua tibneeg, los nrog peb nyob, muaj nqaij muaj ntshav ib yam li peb. Lub Advent no qhia kom peb rov nco txog haistias, Yexus yug los rau lub nroog Npelehes thiab nws yuav rov los coj peb mus nrog nws nyob saum ntuj ceebtsheej.

(Show Lord Supper, Baptism, and Bible)



Niajhnub nimno, Yexus los rau peb ntawm Vajtswv Tes Dejnum Dawbhuv uas yog txoj kevcai ntxuav thaib tus Tswv Roojmov – Baptism and Lord Supper. Nws los rau hauv peb ntawm nws Txojlus uas yog phau Vajlus kub.

Nws los rau hauv peb thaum peb tuaj koom uake hawm thiab qhuas txog nws lub npe. Peb tus Tswv tsis yog los rau lub sijhawm Advent season no xwb, tiamsis nws yeej los txhahnuh hauv peb lub neej los pub txojkev zamtxim rau peb kom peb tau txojhia mus ibtxhis thiab ibtxhis. (Show tree blocking road)



Peb tus Cawmseej Tswv Yexus Khetos niajhnub los rau peb tibneeg ntawm Nws Txojmoozoo, tiamsis tibneeg muab lwmyam coj los thaiv tsis pum kom Yexus los tau rau hauv nws lub neej. Cov kwvtij hlub thiab movtshua, ntau zaug peb tsis yog cia Yexus los nyob rau hauv peb, peb tsuas muab nws cai thiab tivthaiv ntawm peb kom nws los tsis txhob tau. Thaum peb tivthai li no yog peb tsis tuaj hawm Vajtswv, peb tsis zamtxim rau peb cov kwvtij, thiab peb tseem niajhnub mus ua txhaum. Yexus xav los nyob rau hauv peb, pub txojkev ncajnrees, thiab kev dawbhuv rau peb tiamsis peb tsuas muab lwmyam los tivthaiv kom Vajtswv

los txhob tau. Tiamsis Txojmoozoo haistias, "... make a straight path for him – *kho kev kom ncaj rau nws.*" (Mathais 3:3) (Show straight path)

II. Vajtswv Txojlus qhia kom peb yuavtsum kho kev kom ncaj yog qhib peb lub siab ua txojkev ncaj cia



ncaj cia peb tus Tswv Cawmseej Yexus Khetos los nyob rau hauv peb lub siab. Yog koj yuav ua tau li no, koj yuavtsum muaj kev leestxim. Koj yuav ua tsis tau li no ntawm koj tus kheej, tiamsis Vajtswv yuav coj koj los leestxim thiab kho koj txojkev kom ncaj los ntawm nws txojkev hlub nrog rau kev zamtxim. Thaum koj paub haistias, Vajtswv pab koj kho tau koj txojkev ncaj tos nws lawm, nws yuav txib kom koj mus pab lwmtus kho lawv txojkev kom ncaj tos tus Tswv thiab. Vim tseem tshuav coob leej ntau tus tseem tsis tau paub tus Cawmseej, lawv tseem nyob rau txojkev ua qhev rau txojkev txhaum. Koj yuavtsum tau mus npaj lawv kom lawv los paub kho kev tos tus Tswv, thaum lawv paub

npaj lawm, lawv thiaj li dim ntawm txojkev txhaum los ntawm Tswv Yexus Lub npe. Koj puas kam mus qhia Txojmoozoo rau lwmtus kom lawv paub kho kev tos tus Tswv?



Tus Thwjtis Paulus sau haistias, "How, then, can they call on the one they have not believed in? And how can they believe in the one of whom they have not heard? And how can they hear without someone preaching to them? And how can they preach unless they are sent? As it is written, "How beautiful are the feet of those who bring good news! ... Consequently, faith comes from hearing the message, and the message is heard through the word of Christ. – *Tiamsis yog lawv tsis tau ntseeg lawv yua ua li cas thov nws? Thiab lawv yuav ua li cas ntseeg tus uas lawv tsis tau hnov dua? Yog tsis muaj neeg mus qhia txojmoozoo rau lawv, lawv yuav ua li cas hnov? Yog tsis muaj leejtwg txib*

lawv mus, lawv yuav ua li cas mus qhia txojmoozoo? Vajtswv txojlus haistias, "Cov neeg uas mus qhia txojmoozoo txhais kotaw zoo kawg li. Yog li ntawd, twb yog lawv hnov txojmoozoo, lawv thiaj ntseeg, thiab txojmoozoo uas lawv hnov ntawd yog Yexus Khetos tej lus." (Loos 10:14-15; 17)

(Show Buddhism, shamanism, and spirit)



Yog koj tsis mus qhia txojmoozoo, tibneeg yuav tsis paub Vajtswv txojkev cawmdim. Tibneeg yuav mus ntseeg haujsam, txivneeb, thiab pojkoob yawgkoob. Yexus samhwm haistias, "...go and make disciple of all nation... - *cia li mus muab txhua lub tebchaws los ua thwjtis..*" (Mathais 28:18) Yog koj tsis mus, tus uas tsis tau paub txog Txojmoozoo lawv yuav ua li cas hnov? Lawv yuav ua li cas kho kev kom ncaj tos tus Tswv? Lawv yuav ua li cas cia Vajtswv los nyob hauv lawv lub neej kom lawv tau Vajtswv txojkev cawmdim? (Show rough road to village)



Txawm tibneeg yuav nyob deb npaum li cas thiab txawm tej kev yuav phem npaum li cas los peb yuavtsum mus qhia Txojmoozoo rau lawv lawv thiaj li paub kho kev tos tus Tswv. **(Show a lost world and Go)**



Koj thiab kuv yuavtsum tau mus qhia txog peb tus Cawmseej rau lub ntiaj teb no tias, nws los theej tagrho ntiaj teb txojkev txhaum saum tus ntoo khaublig zam tagrho ntiaj teb txojkev txhaum lawm. Nws zamtxim rau tus uas ntseeg thiab cia siab rau Yexus. Tus ntawd thiaj li tau txoj sia mus ibtxhis thiab thiaj li tau mus nrog Vajtswv nyob saum ntuj ceebtsheej.

III. Ntev ntau lub xyoo dhau los lawm, muaj ib tus Japanese emperor hais kom ib tus tub koduab – painter ko ib tus noog. Ib hli dhau mus, ces ob peb xyoo dhau mus los tus tub ko tsis tau daim duab li. **(Show Japanese bird – Japanese phoenix)**



Thaum tus emperor tos tsis tau lawm, nws mus rau ntawm tus tub koduab thiab nug haistias, yog vim li cas tus tub koduab ko tsis tau daimduab li. Tus koduab muab ib daim ntawv coj los puas rau saum lub rooj, nrog cov cwjmem ko duab ces pib ko daimduab uas tus emperor xav tau. Ib xuajmoos tomqab xwb nws ko tau daimduab. Tus emperor mam li nug haistias, “Ua li cas koj yuav siv sijhawm mentsis xwb koj ho ko tau daimduab no lawm?” Tus tub koduab mam li qhia tus emperor haistias, “Emperor, uantej kuv yuav ko tau daimduab no, kuv yuavtsum tau npaj ntauyam tis noog, ntauyam plaubnoog, ntauyam taubhau noog thiab npaj saib ntauyam noog saib lawv txawv npaum li cas thiaj li yuav

paub ko tus noog uas koj xav tau. Yog kuv tsis npaj ces kuv yuav tsis paub ko. Thaum npaj tiav lawm, thiaj li ko tau. *(Our Daily Bread)*

Cov kwvtij hlub thiab movtshua, peb txojkev ntseeg zoo sisthoj li no thiab. Peb yuav kho kev kom ncaj tos peb tus Tswv los nyob rau hauv peb lub neej, peb yuavtsum saib ntsoov rau ntawm peb tus Tswv Yexus Khetos peb thiaj li npaj tau.

Kuv muaj zaj nkauj sau rau xyoo 2012, muaj lub pe haitias, “Khu Kev Kuas Ncaaj” sau hais li no:

Khu kev kuas ncaaj	Yog noog	Vaajtswv Txujlug
Khu kev kuas ncaaj	Yog tuaj	Kawm Nwg Txujlug
Khu kev kuas ncaaj	Yog ua	Nwg teg dlejnum
Khu kev kuas ncaaj	Yog ntseeg	Tug Tswv Yexus

Nov yog tuaj kawm nws txojlus, tuaj mloog nws txojlus, thiab ua nws tes dejnum. Thaum nws los rau hauv peb lub neej peb thiaj li paub coj txojkev ncajnrees. Nws los zam peb tej kev txhaum nws pub txojkev dawbhuv rau peb kom peb ua tau haum nws dejsiab. **(Show Jesus’ coming)**



Lub Advent season, yog lub caij Yexus los. Cia koj thiab kuv kho kev tos uas yog kho txojkev kom ncaj hauv peb lub neej los ntawm peb txojkev leestxim thiab tau kev zamtxim peb thiaj li tau txoj sia mus ibtxhis thiab ibtxhis. Cia peb kho kev tos tus Tswv vim nws los yuav txog. Asmees.
Thov kom Vajtswv pub peb sawvdaws totaub thiab tau nyob kajsiab lug rau ntawm peb tus Tswv Cawmseej Yexus Khetos lub npe. Peb txhuatus uas yog Vajtswv cov menyuam peb sawvdaws hais: Asmees.